

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

Kalaallit nunatsinni inissiat attartortakkat sumi inissisimappat?

- a) Iserit a/s qassinik inissiaateqarpa? Sumiippat taakkua inissiat?
- b) Illuut a/s qassinik inissiaateqarpa? Sumiipallu taakkua inissiat?
- c) Kommuunit inissiaatai qassiuppat? Sumi kommuunit inissiaateqarpat?
- d) Inuinnaat qassinik illoqarpat? Taavalu pisorta qarfiit Illuinnarnik qassinik pigisaqarpat? Sumiipallu taakkua?
- e) Taakkuninnga inissiat nutserfigineqariaannaat qassit atorneqanngillat? Amerlappat?
- f) Piffissanngunnginnerpa nunatsinni angerlarsimaffeqannginneq inerteqqutaalernissaa? Nunarput imaannaangitsuummat pisariaqalinngila?

(Inatsisartunut ilaasortaq Gerth Mikaelson, Naleraq)

Tunngavilersuutit:

Inuiaqatigiinni ineqarniarneq ajornartorsiut annertuallaartoq nalunngilarput. Nunattalu inui pinngitsooratiq ineqartitaasalernissai sumiiffissaqartuaannarnissai qulakkeertariaqalerparput. Ajornartorsiut annertusiartussanngippat nunaqavissunut inissialiorneq ingerlanneqartariaqalerpoq.

Inuusuttut inissaaleqisut amerlassusaat amerliartuinnassanngippata inissialiorneq, aammalu nammineq illuliortarneq pimoorunnerusariaqalerpagut nunarput tamaat. Nunarput nuannersumik isikkorissumillu avataaniit isigiarnaqalissappat nunatta inui pingaarnertut salliullugit sulineq piaarnerpaamik aallutigu, tamatta akimorluta. Ullutsinni inooriaaseq peqqinnanngittoq qaangerniartariaqalerparput.

Ilaqutariit siunissami namminneq illoqarsinnaanissai sumiluunniit qulakkeertariaqarparput. Ilaqutariinni peqqissuseq anguniassagutsigu oqaasiinaangitsumik iliuuseqartariaqalerpugut. Taamaangippat asuli qineqqusaarutitut atortarunnaarniartigit. Inuup inuunera peqqissusaa eqqartorparput. Inuk angerlarsimaffeqanngitsoq sumiluunniit nuanniittumik inuuneqarnissani qaninnerutittaannarpaa toqqissisimaffissaqanngikkaangami. Taamatuttaaq aamma aningaasaqarneq taamatoqqissaaq inissisimavoq ullutsinni.



Inuiaqatigiinni nunatsinni peqqinnartoq toqqartigu. Tamatta naleqartutut misigissagutta siunissami angerlarsimaffeqarluta inuusinnaanissarput kikkugualuarutta kalaallit assigiimmik oqinnerusumik atugaqalernissarput ujartortigu. Allamiut siulliuttaqattaarnagit. Nunatta inui pingaarnerpaanngorlik.